

宋東京考卷之十六

嘉興石匏周 城緝

廟

東嶽廟

在城內東北隅祀泰山之神一名泰山廟四年

五月尊稱東嶽泰山之神

譚言長語

東嶽泰山之廟徧天下肇於宋中葉唐光

天開元間封爵為王宋大中祥符間加曰帝廟之爵之像之皆非當理以地祇而不人其像尊比三公而不帝其號兆之如四望而不星其祠廢縣於其方嶽而不徧於天下爾雅祭山曰廋縣謂瘞牲幣挂儀物

宋東京考

卷之十六

一

陳北溪曰泰山魯鎮惟魯邦之所得祭而立祠於諸州何謂巋然而峙者山之形而人其貌何為立寢殿於後者又不知何山可以當其配也惟高皇帝改正嶽鎮海瀆城隍廟號詔止稱東嶽之神於禮方正搜神記據東方朔謂虹氏即東嶽帝君一何悖耶異林 張南軒論祀嶽當築一大壇於山下望山而祭今立殿宇已為不經塑為人像又配之以夫婦其褻瀆甚矣

玄帝廟

在府治西南隅即佑聖觀後改

風伯廟

在城東北致祀風師也大成周禮註以風師每歲於

丑蓋東北為箕星位次  
亦應箕之位也

玉皇廟

天在南薰門外官路西殿相傳為玉清昭應宮遺址

殿詔不復修改為萬壽觀乃以崇壽殿更名太霄殿

奉玉皇像後燬於金兵成化丁亥道士董靜

為雷火所燬止存諸像

五龍廟

在城東即唐開元中因興慶宮池設壇中以符

元年詔飾神帳

文獻通考

大觀四年詔天下五龍神皆封王爵青龍

神封廣仁王赤龍神封嘉澤王黃龍神封孚應王白

龍神封義濟王黑龍神封靈澤王

宋東京考

卷之十六

二

三官廟

城內外有數處始建俱未詳其後最著者在宜秋門外二里許

孔氏雜說

劉焉傳有張陵者即今俗謂張天師是也

真誥有張生白亦是也本傳注張脩為太平道張角

為五斗米道法亦略同為人禱病為書三通一上之

天着山上一埋之地一沉之水謂之三官真誥有被

考於三官者是也

宋學士集

按漢熹平間漢中有張脩為太平道張角

張魯為五斗米道其法略同而魯為尤甚蓋自其祖

陵父衡造符書於蜀之鶴鳴山制鬼卒祭酒等號分

領部衆有疾者令其自首書氏名及服罪之意作三

通一上之天着山上一埋之地一沉之水謂之天地  
水府三官而三官之名實昉於此夫至高者天至厚  
者地水縱大亦兩間一物耳何得與天地抗哉今並  
稱之為三吾未知其何說也

三尸廟

在保康門外祀三尸也始建未詳後廢按修  
真家言凡人身中有三尸神常以庚申日乘人

寐時將本人罪過奏聞上帝減其祿命上尸名彭  
中尸名彭躡下尸名彭躡每遇庚申日守夜不寐則

三尸不  
得上奏

玄敬詩話 道家言人身中有三尸又謂之三彭每庚  
申日乘人之寐以其過惡陳之上帝故學道者遇是  
夕輒不寐許郢州詩云夜寒初共守庚申是也柳子

宋東京考

卷之十六

三

厚集有罵尸蟲文元吳淵穎有三彭傳則儒者亦以  
為有是物矣

芝田錄 朝士夜集終南太乙觀拉道士程紫霄同守  
庚申紫霄曰不守庚申亦不疑此心良與道相依玉  
皇已自知行止任汝三彭說是非

太上三尸中經 人之腹中各有三尸九蟲為人大害  
常以庚申日上告天帝記人之罪分毫錄奏欲絕人  
生籍減人祿命令人速死死後魂昇於天魄入於地  
惟三尸遊走名之曰鬼四時八節企其祭祀祭祀不  
精即為禍患三尸分居人身上下為人之孽上尸名

彭倨在人頭中令人眼暗髮落口面齒病中尸名彭質在人腹中伐人五臟少氣多忘令人好作惡事下尸名彭矯在人足中令人下關搔擾五情勇動淫邪不禁其尸形似小兒或如馬狀長毛二寸人死即出作鬼如人生時形像衣服長短無異其九蟲類多如蛔蟲白蟲之類躁人五臟多致殺人令人多病種種動作亦有人身少者養道之心欲調去之凡庚申日兼夜不卧守之如疲少伏莫睡熟此尸即不得上告天帝

太上律科

庚申日北帝開諸罪門通諸鬼神訴訟異

宋東京考

卷之十六

四

類併集善惡之業賞責不遺經曰三守庚申三尸震恐七守庚申三尸長絕五神長靜不惑不淫真靈衛佐與天地相畢每夜臨卧叩齒三七以左手撫心上呼三尸名即不敢為害

城隍廟

在城北隅內

譚言長語 城隍之名肇於古史之造字其用著於周易之繫爻城隍之有廟殆亦以棲配食者之靈祭城隍於配食之廟猶明堂之祀帝云爾此儒者之正論今多塑像寢殿立配又置兩廊之獄如東嶽七十二司之謬可供一笑儒者察之

紺珠閒錄 郡有土地廟曰城隍以其在郡城之下也  
古者鑿土以築城而城下之地曰隍有水曰池易曰  
城復於隍謂泰之上六極則必反逆倒轉為否之初  
六亦猶城圯而其土復填於隍也蓋有城則有隍爾  
冬夜牋記 城隍之名見於易若廟祀則莫究其始記  
曰天子大蜡八伊耆氏始為蜡注伊耆堯也蓋蜡祭  
八神水庸居七水則隍也庸則城也此正祭城隍之  
始

二姑廟

廟在城東南三里許吹臺上舊名二姑臺君祠好建

鬼者禹然趨之觀風者毀其像改祀禹稱曰禹廟亦稱禹王臺焉又增建兩廡祀中古以神來治水有功

### 宋東京考

### 卷之十六

五

者魏鄴令鄭當時玘秦水工徐伯國漢淮陽太守汲黯大司農鄭當時玘秦水工徐伯國漢淮陽太守汲黯川團練使賈讓翰樂京西轉運使將陳堯佐王判是都水監張鞏內侍省副都知張燾茂則師龍圖閣待制文正司馬尚書運使張商英史劉賡南太師恒陽王諡文貞也仙不魯花河南北道僉事阿魯脫脫憐集賢大學士賈然書少恭定太子富傅兵部尚書都諡肅愍于謙部尚書諡恭定太子富傅兵部尚書都諡肅愍于謙南右布政使王亮共

石靈公廟

在相國寺墓前西一汴河南岸相傳汴京之南

立廟以祀稱曰石靈公廟

洞微志

汴都之南百餘里有周令公墓墓前一石人

能為怪人或過之多稱魯校書或云石押衙

院

福田院

在望春門外東北為唐太宗觀二年創建後為兵燬

皇建院

在土市街東南周世宗顯德元年九月以龍宮為皇子建院遣沙門清興居之末兵燬

畫論

畫龍惟五代四明僧傳古大師其名最著觀其

體則筆墨道爽善為蜿蜒之狀皇建院法堂屏風是

其真跡

萬歲院

在望春門外東北周顯德二年創建金季兵燬

道者院

在新鄭門外五里許建隆初建每歲中元節十月朔大會道場焚錢山祭陣亡孤魂金季兵燬

燬

宋東京考

卷之十六

六

師友談記

五代時有僧某卓菴道左藝蔬丐錢以奉

佛事一日晝寢夢一金色龍食所藝蒿苳數畦僧寤

驚曰必有異人至已而見一偉丈夫於所夢之處取

蒿苳食之僧視其狀貌凜然遂攝衣延之餽食甚勤

頃刻告去僧囑之曰富貴無相忘因以所夢告之且

曰公他日得志願為老僧只於此建一寺足矣偉文

夫乃藝祖也既即位求其僧尚存遂命建寺賜名普

安都人稱為道者院

定力院

在蔡河東水門北元末兵燬

江行雜錄

太祖之自陳橋還也太夫人杜氏夫人王

氏方設齋於定力院聞變王夫人懼杜太夫人曰吾兒平生竒異人皆言當極貴何憂也言笑自若是日太祖即位契丹北漢兵皆退

曲洧舊聞 太祖初受周幼主命北討至陳橋為三軍推戴時杜太后以下眷屬悉在定力院設齋有司來搜捕主僧令登閣而固其扃鑰俄大搜索僧給云皆散走不知所之矣甲士入寺升梯且發鑰見蛛網布滿其上塵埃凝積若累年不曾開者乃相告曰是安得有人遂皆去有頃太祖已踐阼矣

清異錄 太祖陳橋時太后方飯僧於寺院懼不測主宋東京考

卷之十六

七

僧誓以身蔽上受禪賜的乳三神仙

王氏畫苑 京師王靄奉詔於定力院寫宣祖及太后御容梁祖真像亦在焉又於大殿西壁畫水月觀音及於景德寺九曜院殿西壁畫彌勒下生像末年與東平孫夢卿畫開寶寺大殿後文殊閣下東西兩壁夢卿以東壁讓之尊靄聲迹識者以為當然所畫南方毗樓勒叉天王像高丈餘及金槍道菩薩相皆筆力精邁思慮殫竭來世之譽自此而已

啟聖院

在宜秋門內街北本晉護聖營太宗誕生之地也太平興國六年建院雍熙二年成賜名啟聖

元末  
兵燬

東京記 啟聖院本晉護聖營天福四年宣祖典禁兵  
太宗誕聖於其地興國中建院

石林燕語 啟聖禪院太宗降誕之地太平興國中既  
建為寺以奉太宗神御太祖降誕於西京山子營久  
失其處真宗朝嘗遣人訪之或以驍勝營旁馬廄隙  
地有二岡隱起為是即其地建應天禪院以奉太祖  
天聖中明肅欲置真宗神御於其間而難於言仁宗  
因以殿後齋宮並置二殿曰三聖殿慶曆中始名太  
祖殿曰興光太宗曰帝華真宗曰昭考

退朝錄 列聖神御殿始咸平初真宗令供奉僧元藹

宋東京考

卷之十六

八

寫太宗聖容於啟聖院後玉清昭應宮範金祖宗像  
餘多塑像

戒壇院

文在旦雷創建橋西北本慈孝寺園寶元二年僧

佑聖院

西在北魏元劉末二兵燬街

寶聖院

創在建蔡景河北寺年橋之南僧錄兵重燬

寶相院

街在右

維摩院

寺在相國

等覺院

六在安遠門外西北乾德

墨林快事 等覺院記宋初所建惟時書學未經諸名  
家變體尚習唐五季之餘字以清健秀拔為上太素

之名雖未大譟於世亦一時之彥也想帝京繁華高  
良奔集弘刹豐碑峙立相望何如其盛不旋踵遭金  
元之亂僧散於飢寒石碎於砲火荒榛砂礫勝蹟一  
空今日之汴梁雖稱雄於千里之內視昔日之光怪  
逝其遠矣余居在近邑攬古之餘不勝悽惋幸所收  
碑記原搨差可追憶錄於古帖之後聊以志盛衰之  
感

旌孝院

在安遠門外西北天聖元  
年改名堯率金末兵燬

三學護國院

在南薰門外西南慶曆  
三年賜額元末兵燬

鴻禧院

在樓門裏東北端拱  
二年戴樓建元末兵燬

宋東京考

卷之十六

九

報恩院

在戴樓門裏咸平三  
年創建元末兵燬

法雲院

在固祥符三年創建河  
大在中祥符三年創建  
金灣之西南

開化院

在固中祥符三年創建  
東在大中祥符三年創  
南白金季兵燬之

淨居院

在閻闔北元末西南  
相在寺闔之北元末兵  
燬寶

淨慧院

在閻闔此外西北南  
賜在閻闔此外西北南  
唐主李煜歸宋

開聖院

在裏城西南隅天聖  
間創建元末兵燬

觀音院

在麗景門裏街  
北元末兵燬

續文獻通考

東京觀音院巖俊禪師邢臺廉氏子嘗

經鳳谷深林忽覩珍寶捨去不顧謁投子子問昨夜  
宿何處曰不動道場子曰既言不動曷由至此師曰

至此豈動耶投子默許之周太祖世宗潛龍時每登  
方丈施禮及即位特賜紫衣號淨戒大師

四聖院

在麗景門南  
金季兵燬

淨因院

在汧秋門外金梁橋  
西汧河南元末兵燬

宸奎閣記略

皇祐中有詔廬山僧懷璉住京師十方

淨因禪院召對化成殿問佛法大意奏對稱旨賜號  
大覺禪師仁宗與璉答問親書頌詩以賜之凡十有  
七篇至和中上書乞歸老山中不許治平中再乞堅  
甚英宗留之不可賜詔許自便璉遂歸老於四明之  
阿育王山廣利寺四明之人相與出力建大閣藏所  
宋東京考

卷之十六

十

賜頌詩榜之曰宸奎時京師始建寶文閣詔取其副  
本藏焉

崇行錄

懷璉漳州人皇祐中詔住淨因禪院召對化

成殿稱旨賜號大覺禪師璉持律甚嚴上嘗遣使賜  
以龍腦鉢孟璉對使焚之曰吾法以壞色衣以瓦鉢  
食此鉢非法宜無所用使者回奏上嘉歎久之

續文獻通考

明州育王山懷璉大覺禪師龍溪陳氏

子嘗燕坐室中見金蛇從地出須臾隱去人以為吉  
兆後仁宗詔住淨因禪院賜以龍腦鉢謝恩畢曰此  
非吾法宜焚之中使以聞帝悅賜號大覺常賜御頌

英宗時歸本山

淨因院道臻淨照禪師字伯祥古田戴氏子開法之日英宗遣中使降香賜紫衣袍慈聖上仙神宗召至慶壽宮賜對甚喜神宗上仙又召至福寧殿說法賜號淨照禪師

六研齋二筆 東坡書畫記烏絲界紙字方一寸用李泰和行法而雄毅振掉處稍涉閒筆欸云元豐三年端陽月八日眉山蘇軾於淨因方丈書之

妙貫堂餘譚 大覺璉禪師仁宗朝留住淨因院既久乞還山作偈進呈云千簇雲山萬壑流閒身歸老此

宋東京考

卷之十六

十一

峯頭殷勤願祝如天壽一炷清香滿石樓又云堯仁況是如天濶乞與孤雲自在飛

興德院

在金水門外  
金季兵燬

揮塵錄 英宗以齊州防禦使入繼大統治平二年改齊州為興德軍熙寧八年八月詔潛邸為佛寺以本鎮封之賜名興德禪院仍給淤田三千頃

印經院

太平興國八年置印經院熙寧中廢其院改為三司使宅以諸印板賜顯聖寺

傳法院

太平興國中設譯經堂太平興國寺大殿西序為作譯經院五年詔於太平興國寺大殿西序為

正義堂自是每誕節即獻  
經也八年改為傳法院

續文獻通考

太宗太平興國中詔立譯經傳法院於

東京如唐故事宰相為譯經潤文帝製前序詔普度天下童行為僧不限常制自即位至是凡度一十七萬餘人

汴京遺蹟志 按隋有翻經館唐初亦有翻譯之事元和後廢太宗置傳法院亦隋翻經館之遺意也

圖畫見聞志 大中祥符初有西域僧覺禰來館於興國寺之傳法院其僧通四十餘本經論年始四十餘歲丁晉公延見之嘉其敏慧後作聖德頌以上文理甚富真宗問其所欲但云求金爛袈裟歸置金剛座下尋詔尚方造以給之覺禰自言酷蘭左國人刹帝

宋東京考

卷之十六

十二

利姓善畫嘗於譯堂北壁畫釋迦面與此方所畫絕異

冷齋夜話 景祐中光梵大師惟淨住京師傳法院以梵學著聞景靈宮鋸傭解木木既分中有蟲鏤文數十字如梵書狀因奏進仁宗遣都知羅崇勳譯潤經文夏英公竦詣傳法院開堂導譯冀得祥異之語以識國淨焚香審視逾刻乃曰天竺無此字不能辨譯右璫恚曰大師宜領上意若稍成文譯館恩例不小而英公亦以此意諷之淨曰幸若蠹文稍可箋譯誠教門光也異日彰謬妄萬死何補富鄭公每遇客曰

此人誠可謂佛弟子也倘使立朝必能盡節不苟同於人孰謂異教中無人耶

退朝錄 翻譯新經始以光祿卿湯公悅兵部員外郎張公洎潤色之後趙文定楊文公鼂文莊李尚書維皆為譯經潤文官天禧中宰相丁晉公始為使天聖三年又以參政樞密為潤文其事寢重每歲誕節必進新經前兩月二府皆集以觀翻譯謂之開堂亦唐之清流盡在也前一月譯經使潤文官又集以進新經謂之閉堂

湘山野錄 真宗嘗以御製釋典文字法音集三十卷

宋東京考

卷之十六

十三

詔僧二十一人於傳法院箋注楊大年充提舉註釋院事製中有六種震動之語一僧探而箋之暗碎繁駁將三百字大年都抹去自下二句曰地體本靜動必有變其簡當如此

乖崖語錄 陳晉公恕素不喜釋氏嘗請廢譯經院辭甚激切真宗曰三教之興其來已久前代毀之者多矣但存而不論可也

長編 天禧三年以宰臣王欽若為譯經使唐譯經使以宰相明佛學者兼領之國朝翻譯經論初令朝官潤文及丁謂相始置使欽若乃因譯經僧法護等請

為使議者非之

覺照院

在東水門外

燒朱院

在相國寺內

畫墁錄

相國寺燒朱院舊日有僧惠明善庖炙猪肉

尤佳一頓五觔楊大年與之往還多率同舍具殮一

日大年曰爾為僧遠近皆呼燒猪院安乎惠明曰奈

何大年曰不若呼燒朱院也都人亦自此改呼

以上皆僧院俱廢  
久無一存者矣

興國院

在大寧坊第五巷即將軍鄭思之佛堂施舍  
為尼寺明永樂元年尼僧義和重修已廢

崇真院

初在建初坊後以太宗女衛城西隆安坊即俗稱  
七公主院是也初太隘徙城國長公主志願出

宋東京考

卷之十六

十四

家大中祥符二年八月進封吳國號報慈  
正覺大師賜名清裕九月出居是院已廢

湘山野錄

太宗第七女衛國長公主平生不茹葷端

拱初詣延聖寺願拾為尼真宗即位遂乞削髮上曰

朕之諸妹皆厚賜湯邑築外館以尚天姻酬先帝之

愛也汝獨願出家可乎衛國曰此先帝之願也堅乞

之遂允進封吳國賜名清裕號報慈正覺大師建寺

都城之西額曰崇真院藩國近戚及掖庭嬪御願隨

出家者凡三十餘人普度天下尼僧詔兩京送於寺

賜齋饌傳宣各令作詩惟陳文僖公彭年詩尚有記

者云盡出花鈿散寶津雲鬢初剪向殘春因驚風燭

難留世遂作池蓮不染身  
貝葉乍翻疑軸錦  
梵聲纔學誤梁塵  
從茲豔質歸空後  
湘浦應無解佩人

宋東京考

卷之十六

十五

東京考卷之十六

全